

# David Hem No Fraet

1 SAMUEL CHAPTER 17

OLKETA ISRAELITE GOHED **FAETEM** OLKETA PHILISTINE. DAVID WAKA FOR LUKAFTAREM OLKETA SHEEPSHEEP, BAT SAMFALA BIG BRATA BILONG HEM JOINIM ARMY, SO DADI ASKEM HEM FOR GO LUKIM OLKETA.



WANEM NAO HAPPEN?

**GOLIATH** GOHED FOR TOK SPOELEM MIFALA. HEM DUIM DATWAN FOR STAKA WEEK FINIS!

EVRIWAN **FRAETEM** HEM FROM HEM KLOSAP THRI METER TOL! **NO ENIWAN** SAVVE WINIM HEM!

WANEM NAO MAN WEA KILLIM DAE GOLIATH BAE KASEM?

BIG BRATA BILONG DAVID START FOR KROS.



WHY NAO **IU** KAM LONG HIA? AND WHY NAO IU ASK ABAOTEM GOLIATH? PLES HIA HEM FOR OLKETA MAN NOMOA, NO FOR OLKETA BOY!

MI ASK NOMOA IA!

IU SHUD STAP LONG HOM FOR LUKAFTAREM OLKETA SHEEPSHEEP BILONG IU!

GO TALEM KING MAET SAMWAN STAP WEA LAEK FOR **FAETEM** GOLIATH.



OLKETA SOLDIA TEKEM  
DAVID GO LONG KING SAUL.

MI BAE GO  
FAETEM DATFALA  
PHILISTINE.

IU WANFALA BOY  
NOMOA. GOLIATH  
HEM SOLDIA FOR  
STAKA YEAR FINIS!

BAT MI KILLIM  
DAE WANFALA LION  
AND BEAR FOR  
SEVEM OLKETA  
SHEEPSHEEP  
BILONG MIFALA.

OLRAET.  
IUFALA SOLDIA,  
GIVIM BOY HIA  
KALEKO BILONG  
MI FOR FAET.

MI NO SAVVE  
MUV SAPOS  
MI WEREM  
DISWAN.

MI NO  
NEEDIM  
KALEKO HIA.



DAVID HOLEM SLING BILONG HEM, HEM GO LONG STREAM WEA DRAE, AND CHUSIM FAEVFALA STON WEA SMOOTH.


JEHOVAH SEVEM MI FROM WANFALA LION AND BEAR. HEM BAE SEVEM MI FROM GOLIATH.

DAVID AND GOLIATH FEISIM EACH OTHER LONG VALLEY LONG ELAH.


IU TINGSE MI WANFALA DOG NOMOA, DASTAWE IU HOLEM KAM OLKETA STIK? MI BAE GIVIM BODY BILONG IU LONG OLKETA BIRD FOR KAIKAIM.

IU KAM LONG MI WITIM SWORD AND WITIM TUFALA SPIA, BAT MI KAM LONG IU WITIM NEM BILONG JEHOVAH.






DAVID BARAVA TRUSTIM  
JEHOVAH. HEM RAN  
FAST GO LONG GOLIATH . . .



AND HEM SWINGIM GO STON  
LONG GOLIATH, AND STON HIA  
**BANGAM** FORHED BILONG HEM.



DATFALA GIANT FOLDAON AND  
DAE NAO, AND OLKETA ISRAELITE  
WINIM OLKETA PHILISTINE.  
SAMFALA YEAR BIHAEN, DAVID  
KAMAP KING LONG ISRAEL.

**WANEM NAO IUMI LANEM FROM  
DISFALA STORY?**

WHY NAO OLKETA NARAWAN **TINGSE**  
DAVID **NO SAVVE** WINIM GOLIATH?

**READIM:** 1 SAMUEL 17:13, 14, 33, 42.

WHY NAO DAVID **TINGSE** HEM **SAVVE**  
WINIM GOLIATH?

**READIM:** 1 SAMUEL 16:1, 13; 17:37,  
45-47.

WHY NAO **IU** NO FRAET FOR DUM  
STRET SAMTING?

**READIM:** PSALM 91:11; HEBREW 13:6.